

Uunga siunnersuut: Sulisitsisup sulinermik inuussutissarsiuteqartumik atorfeqarnermi atugassarititaasut pillugit ilisimatitsisussaananut Inatsisartut inatsisaat (atorfeqarnermut uppersaasarnermut inatsit)

Isumaginninnermut, Suliffeqarnermut Nunamullu Namminermut Naalakkersuisumit saqqummiunneqartoq

pillugu

Inuussutissarsiornermut Aatsitassanullu Ataatsimiititaliap siunnersuutip aappassaaneernejarneranut

ISUMALIUTISSIISUTAA

Ataatsimiititaliap suliarinninnermini inuttarai:

Inatsisartunut ilaasortaq Mariane Paviassen, Inuit Ataqatigiit, siulittaasoq
Inatsisartunut ilaasortaq Aqqalu Jerimiassen, Atassut, siulittaasup tullia
Inatsisartunut ilaasortaq Lars Poulsen, Siumut
Inatsisartunut ilaasortaq Knud Mathiassen, Inuit Ataqatigiit
Inatsisartunut ilaasortaq Pele Broberg, Naleraq
Inatsisartunut ilaasortaq Hans Aronsen, Inuit Ataqatigiit
Inatsisartunut ilaasortaq Dines Mikaelen, Siumut

UKA2022-mi oktobarip ulluisa tallimaanni siullermeerinninnerup kingorna siunnersuut ataatsimiititaliamit misissorneqarpoq.

Siunnersuutip imarisaa siunertaalu

Inatsisartut inatsisaat siunertaqarpoq sulinermik inuussutissarsiuteqartut paasissutissanik aamma atorfeqarnej pillugu pappialanik uppersaatinik tunineqarnissaat qularnaassallugu, tamatumani pissutsinut pingaaruteqartunut tunngasunik. Inatsisartut inatsisaata kingunerissavaa sulinermik inuussutissarsiutini sulisitsisunut tamangajannut atorfeqarnermi atugassarititaasut pingarnerit pillugit paasissutissiisarnissaannut pisussaaffiliineq, ilanngullugit sulisitsisup kinaaneranik, suliffiup sumiiffianik, piffissamik suliffiusartumik, akissarsianut atugassarititaasunik, sulinngiffeqartarnermik, soraarnissamut soraarsitsinissamullu siumoortunik

piffissalersuutiniq, sumiiffimmut allamut suliarortarnermut il. il. tunngasut sulinermik inuussutissarsiuteqartumut allaganngussallugit.

Inatsisartuni siunnersuummik siullermeerinninneq

Siunnersuutip siullermeerneqarnerani partiinit tamanit taparserneqarluarpoq.

Tusarniaaneq

Siunnersuut piffissami novembarip ulluisa aqqaneq aappaanniit 2021 decembarip ulluisa qulingannut 2021 tusarniaassutigineqarpoq. Tusarniaanermiit saaffiginnissutit oqaaseqaatini nassuiaatigineqarput. Tusarniaanermut tunngatillugu Inuussutissarsiornermut Aatsitassanullu Ataatsimiititaliaq oqaaseqaatissaqanngilaq.

Ataatsimiititaliap siunnersuummik suliarinninnera

Inatsisartunit siunnersuutip taparserneqarluarnera Inuussutissarsiornermut Aatsitassanullu Ataatsimiititaliap maluginiarpa. Naalakkersuisut inatsisissatut siunnersuutip piareersarnerani tusarniaanermi saaffiginnissutitut pingaarutilinnut tigussilluarsimanerat ataatsimiititaliap aamma maluginiarpa.

Siunnersuutip aningaasaqarnikkut kingunissai

Piffissami sivikinnerusumi aningaasatigut allaffissornikkullu inuussutissarsiortunut kinguneqarnissaa naatsorsuutigisariaqassasoq Naalakkersuisut nassuiaatigaat. Allaffissornikkut unammilligassaasunik kinguneqassaaq paasissutissiissutaasartussanik naammattunik paasissutissartalinnik suliaqartarnermut atatillugu, aamma sulisitsisup pisussaaffigisani naammassisareersimangippagit. Taamaattoq Naalakkersuisunit naatsorsuutigineqanngilaq piffissap ikaarsaariarfiusussap saniatigut allaffissornikkut aningaasaqarnikkullu annerusumik kinguneqarnissaa. Inatsisartut inatsisaata siunertaraa atorfeqarnerni atugassarititaasunik ersarissunik akimullu ersittunik peqarnissaa, tamannalu ungasinnerusumut isigaluni inuussutissarsiortunut iluaqutaassaaq. Soorlutaaq atorfeqarnermut isumaqatigiissutitut atatillugu akerleriissutaasartut annerusutigit pinngitsoorneqartalissasut.

Pisortanut kingunissanik taasariaqartunik peqarnissaa ilimagineqanngilaq.

Ataatsimiititaliap inassuteqaatai

Ataatsimiititaliap isumaqatigiittup siunnersuutip akuerineqarnissaa inassutigaa

Ataatsimiititaliap taama oqaaseqaateqarluni isumaliutissiissummilu allassimasutut paasinnilluni siunnersuut aappassaaniigassanngortippaa.



Mariane Paviasen
Siulittaasoq



Aqqalu Jerimiassen
Siulittaasup tullia



Lars Poulsen



Knud Mathiassen



Pele Broberg



Hans Aronsen



Dines Mikaelen